

whiwhi ai hoki te Hahi ki te pai.

I te tunga o te Hinota Nui i a Pepuere ka mahue ake nei ki Christchurch, ka takoto tetahi tikanga mo etahi tangata Maori kia tukua ake ki roto ki te Hinota o te Pihopātanga, mā nga tangata o te Takiwa o te Hui o te Hahi Maori e tuku ake. Kua whakaritea hoki e te Hinota o te Pihopātanga kia takikotahi e tukua ake e nga Takiwa e toru e tu nei ki reira he Hui no te Hahi Maori.

Me ata titiro e tatou aianei nga mate o tenei wahi o te Hahi. Tetahi tohu o te mate ko te ngakau-kore o te tokomaha ki te mahi i nga mahi a te Atua. E kore e ahei i a tatou te ki, ko enei he, no ratou anake, no taua hunga e ngakau-kore nei; engari no tatou katoa; he wareware nei hoki no tatou ki te whakatupato, ki te kukume mai ki te huarahi tika i te hunga katoa e tahuri ke ana, ki te inoi hoki ki te Atua mo ratou, kia whakapuaretia o ratou ngakau, e ata whakarongo ai ratou ki tana kupu. Mehemea e ngakau-nui ana tatou ki tenei wahi o te Atua mahi, tera ano e kitea e tatou nga bua. Mehemea e whai whakaaro ana ki nga tamariki, kia ata whakaturia ake i runga i te wehi ki te Atua, kia ata whakaakona ki nga tikanga o te Rongo-pai, kua kitea he tokomaha e hiabha ana ki te whakaunga, kua nui haere te hunga e whai ana ki te Hapa a Te Ariki hei mea e whai kaha ai ki nga mahi a Te Karaiti. Tenei ano te Atua te tatari nei ki a tatou, kua tukua mai nei hoki e ia mā tatou enei mahi. Ki te anga tatou ki te mahi me te whakawhirinaki ano ki a ia, ko te mea tena e whakaputaia ai tona kaha nui, e ahua pakari ai hoki nga mahi. Me tuku tonu tatou e tatou ano ki a ia hei whakamahinga mana. Tenei ano etahi o nga tangata kua tae i māa ake nei ki to Kura i Te Aute te anga nei ki te whakaoho i nga tangata Maori o ia wahi, o ia wahi, ki te tahuri ki te whakakore i nga ritenga pohehe, e hoki nei etahi ki nga karakia a nga tupuna hei mea e ora ai te toro, e takahi nei etahi i nga tikanga o te Marene, e whakatupu he nei te tokomaha i nga tamariki tane, i nga tamariki wahine. He mea pai rawa te tohe ki enei mea pohehe kia whakamutua, otira, ki te hiabha tatou ki te mahi a Te Karaiti kia nui haere i roto i a tatou, kua rawa tatou e wareware ki tana e ki nei, "Ki te mawhe koutou i ahau, e kore e taea e koutou tetahi mea,"

—o—o—

NGA RETA KUA TAE MAI.

Na Hakopa Hahi, Kaikohe, Bay of Islands.

TE UTU MO TO RETA. Kanui te pai o o

korero me o mihi mai ki a matou. Ko te pepa nei no tenei tau ano i timata ai. Ka tukuna atu he pepa ki a koe. Ka mutu to korero mau hoki e tuku atu ki etahi. Mo to patai mai mo te utu, hei ta te Atua manaakitanga i a koe ki te rawa te tikanga. Mau e tuku mai i tau ihiabha ai. Tirohia e koe nga korero o te nama 9 kua tukuna atu nei ki a koe. Tukuna mai o kupu ki te iwi. Kanui te pai o tena whakaaro ou. Mehemea ka rite o korero mo tenei pepa, ka whai wateatanga hoki te pepa nei, tera o korero e perehitia.

Kia Rev. Perere Peneti,

E tama tena koe te mata ora o o tupuna i te po. Tena koe te hapai mai na i nga mahi o te whakapono, me te aroha ki o iwi Maori. Kia tau te atawhai o te Atua ki a koe me tou whare katoa.

E Hika, i taku taenga mai i Rotorua, ka rokohanga au ki Waipawa i te taenga mai o to reta mihi mo Hori Ropiha. Ka tu au ki te mihi ki o kupu, he hari no taku ngakau. Kua ora mai o tupuna, nga tira i te mate, a Pokai, te Waiatua, a Korokai, a Ngahihi; katoa nga uri o Whakaue, i a koe e hau tu mai na i runga i te torona kororia.

Tena koe e taku mokopuna. Ki taku mohio hei te hari nui katoa matou o tupuna, e noho mai ra i Rotorua, i Maketu, me o papa. Kati ake ena kupu.

E koa ana matou ki to taonga ki to Nupepa. Kua kite iho matou i to tono mai kia tapa atu he ingoa. Kaati kua tureiti pea. He mahara naku ki te oha a o tupuna kia tapa atu ki to Nupepa, a "Matua Tonga." A, tetei o aku ingoa i hiabha ai, ko te whare wananga o o tupuna, o Ngatoroirangi, ko "Tau mihi o Rongo." Kaati aku kupu kia uru ai, Tera e nui atu ake nei. Me tuku mai e koe tetei pepa ki a au ki to tupuna. Ka kahi atu au.

Kia tau te aroha o te Atua ki a taua tahi ake ake. Amine.

Heoi ano Na to tupuna,

TAKAANUI TE IPUTUTU.

Takapau, H.B., Tihema 15th, 1898.

Takapau, Hawke's Bay,

Noema 24, 1898.

Kia Perere Peneti.

E tama tena ra koe, te koiwi o tupuna, o matua kua ngaro atu ki te po. E taku mokopuna tena koe te noho mai na i runga i tou torona i nga mahi ki to tatou Ariki pai. Mana taua tahi e tiaki e manaaki i nga wa katoa e haere ake nei. Amine.

E tama kua putaputa noa te rongo o to